

23 jan 2017



Pelajar Politeknik Sultan Salahuddin Abdul Aziz Shah, Shah Alam bergambar di hadapan rumah mangsa banjir, Ramli Ab Rahman di Kampung Simpangan.

## Sinar baharu mangsa banjir

**TUMPAT** - Program Kesukarelawan YES Politeknik Peduli Komuniti Pasca Banjir 2017 yang disertai 60 pelajar Politeknik Sultan Salahuddin Abdul Aziz Shah, Shah Alam, Selangor memberi sinar baharu kepada penduduk pinggir Sungai Golok yang terjejas banjir.

Fokus utama program itu adalah membaik pulih pendawaian elektrik di rumah, madrasah, tabika, sekolah dan bantuan peralatan kepada pelajar yang terjejas banjir dari Kampung Simpangan, Bunohan dan Bendang Pak Yong.

Adun Pengkalan Kubor, Mat Razi

Mat Ali dan Pengarah Politeknik Sultan Salahuddin Abdul Aziz Shah, Kolonel Bersekutu (PA) Tajuddin Abdul Rashid turun padang bagi menjayakan program itu yang bermula sejak 21 Januari dan berakhir 24 Januari.

Sukarelawan YES Politeknik itu terdiri daripada Sukarelawan Polytechnic Emergency Response Team (PERT), Sukarelawan Unit Beruniform, Sukarelawan Kemahiran dan Teknikal, Sukarelawan Khidmat Komuniti dan Kolaborasi serta Sukarelawan Rundingcara dan Pendidikan.